

沅
湘
耆
舊
集

沅湘耆舊集卷第一百二十

新化鄧顯鶴湘臯編輯

長沙毛國翰青垣校訂

周大定有聲七十二首

有聲字希甫號雲樵又號東岡長沙人乾隆庚寅
舉人官內閣中書乙卯成進士仍留中書兼文淵
閣檢校俸滿以同知用時貴州有南籠狃苗之變
奏請揀發借挑知州赴黔借補鎮遠府清江通
判擢大定府知府以失察小錢落職入鍰復官用
文敏公百齡保奏請發南河委用歷署松江蘇州
二府事奉檄總理下河工務以勞得疾卒於興化

工次有東岡詩贖十四卷長沙周氏自述之文學
繼聖丁明未癸未之亂母夫人馬罵賊全家被害
破產復仇卒得賊人首祭其母計功授職教授以
母死難不就節義炳著其後遂世以文學顯門才
甚盛先生幼承庭訓鄉試出姚姬傳先生之門又
嘗從蔣心餘太史遊學有本原詞尙體要二百年
來長沙言詩者殆未之或先也先生官蘇州時余
方容兩淮都轉署亟欲一見而未得迄余歸過蘇
州而先生已下世矣長君鳴鸞介夫以東岡詩贖
見贈藏篋衍中三十年矣茲選爲一卷入茲集介
夫見官安陸知府亦有詩名能世其學

無錫秦小
峴侍郎撰

東岡詩騰序畧余交楚南詩人曰周半枕孫石溪
唐陶山而最久故者莫如周君希甫希甫爲人伉
爽有知畧累典大郡能於其職適迴困蹟未究厥
用而其生平骯髒抑塞之氣與夫仕宦所經山川
險隘一見之於詩其爲詩也取材既富選言必
酌無纖佻之習無鄙倍之語楚南多詩人其孰有
逾於希甫者歟善化唐陶山方伯仲冕東岡詩贖
序畧余與東岡遊近四十年每以詩切劘甚且相
并擊東岡論詩甚嚴存詩甚慎少作余曾錄副今
其自訂詩贖則已汰大半矣嗚呼此其所以爲贖
夫也

太原紀事詩

六月歲丙申其日忘甲乙我翁捧檄來代守晉陽秩居前
號明敏居後飭儒術公也處其閒張弛乃獨出維時軍旅
雷闐闐歡暇逸堯尊設中衢舜風嘘百室彼汾千萬家相
依如比栢黠者牽車牛拙者服錢鏹生理能自謀擾之則

已失公非清靜園而能致畫一每言治斯人不貴獄訟窒
升堂理威重其氣已不密焉知作僞情體之在虛謚兩年
守河東平反不勝筆以斯重憲府文書委細帙積讞六十
餘弊之無十日就中紛婦冤神明誇衆舌府吏實奏當其
罪在寸裂老甘殺其夫人理豈可說所毒又適符何能事
昭雪於此數徬徨寢食或屢輟反覆得窾要首惡乃氣茶
婦有女十齡兩男髮未結自從婦脫歸遺孤免顛蹶當其
始得情實未施楚夏好生性實然濟物志尤切近邑名太
原縣小如封垤巉巖風峪口是爲淫潦窟隄障百十年一
朝肆穿穴其泉本泛出溝澮不及洩故道旣久漚豪強遂
惠竊飛流蕩平疇驚波葬倪臺可憐城南民歲歲多異物

公謂事之經急緩自有別南民害切膚北民利僅髮權重
而舍輕羣議不能奪濟以爲大川築之成萃律皇皇百世
利豈曰規倉卒此事四十載前守知不發終始遂在公衆
以服明決借寇思一年爲魯僅三月哀哀臥轍民泣送天
南節從官復吳會脫罪因拜 闕偶爲訪舊行故郡乃更
越道旁千餘人拜舞齊角折謂公胡再來公實我生佛公
前所治地安流久未溢芑芑蔭黍苗縣縣長瓜瓞公位在
中亭我民不敢褻公其告後人守成勿我汨公今負何譴
聞竟陷縲縲公若在吾鄉誰認禍公烈匍匐兩孺子陳辭
極嗚咽謂是婦遺來持香爲公爇婦時撫我曹告以公所
活公當千萬年受福不可訖語言旣雜亂酒漿復羅列公

行爲之尼信宿乃得訣我從京華來勝事欣耳悉側聞當時論退食每嗟述常言受事淺所職多未畢顧茲老弱情宛然若親暱豈非胞與心有以既其實毋謂化民難設誠感可必謹作紀事詩持以告朱紱

按此詩爲先生之父觀察公守太原時作公名克開字乾三乾隆丁卯舉人甲戌明通進士歷官隴西寧朔知縣累擢江西吉安縣署布政使事被議効力軍臺以同知起用復擢浙江糧儲道公任事有風力所至有聲以改建海塘石工積勞卒於官詩集未見又按東岡集開作圖避家諱也

清嵐山

人家住峯頂我行時見之遂逾數百折始獲叩茅茨主人拂塵席邀我憩征疲村居不四五往往絕煙炊攜榼滿饌具日暮空筐歸未知有蕨筍况乃思甘肥提壺試斟酌不

辨澠與滷豈無飢渴情胡爲異肝脾謂有百尺巖九仞不
及施昨逢十日雨衆面生光輝自從五月來誰復陳巾匝
悲哉人閒世生理乃若茲我勞尙不解彼困何能支明發
舍之去相看俱涕洟

雜感

太史坐蠶室網羅百代餘發憤傳貨殖崇勢孝後儒緬懷
古人意感極爲歎歎世無朱郭儔急難誰與俱貪生昧至
理學道成大愚傾身結貴遊不如友博徒發篋事陳編不
如蓄明珠

秋肅而春生迭代成慘舒造化本一氣百物自榮枯種松
近十年種花一月餘花繁松亦茂衆目貴敷腴歲晏霜雪

零蒼蒼莫能俱艱難世所畏盤錯理豈迂寄語尋芳子毋
爲徇厥初

題趙恭毅公世德詩爲味辛舍人作

我生七十年足不踐鄉里盲回隴上車始識柔與梓峩峩
古城北崇宇屹不岵額字如斗懸光芒射江水是曰趙公
祠過者皆首企時時走童髻呼祝奠雞豕神之所憑依若
有物可指我不知其然敬叩公所以乃知大臣節數年表
南紀爲國家柱石作衆人父母叶其清激頑懦其惠敦溥
鄙哀然實政錄自注公去楚後楚人轉公政蹟爲書謂之趙公實政錄將以備輶史
我嘗伏讀之欲述窮於紙心知敬愛公生晚涕何已舍人
公會孫得交自今始示我世德詩琳瑯堆素几公當撫楚

後泣浙復如是浙人巧文字襍積皆中理自注詩爲公擬浙後浙人紀公德政而作集趙承旨于文楷字爲之勒石如舊本楚人拙語言質直亦可喜我詩雖巴吟差勝村謳俚公名勒鼎鍾安所取於此

憶雪

一冬多快晴朔氣失凌緬閒吟憶黃竹轉復愁見暝天公頗愛惜未放層陰展冬雪如春花光景藉宣演豈聞百卉情不樂東風剪今晨忽蕭晦曦影閉層鍵雖無霰吹沫已見雲鋪輦一雪尙有期千鍾不沈酒何時萬玉英霑灑到疆吹吾履卽久穿白足固可踐不然深閉門兼臥亦自善去年山中雪風斷湘江浦吾廬捲重茅正藉碎玉補開門失前途鏡面瀉平楚走尋嶽麓峯玉立煙中渚林疏虬甲

脫泉咽寒螿語幽禽時一鳴聲落樵徑斧我友孫幼梅注自

幼梅名起捕新化人攜朋快輕舉天星閣上詩白戰卻寸杵自注幼

庾楊鈍夫有天星閣望雲詩甚佳至今肝肺清冰腸飲仙乳今年住京洛

此境墮塵土西山亦峻嶒鬢髻差媚嫵曷不換新粗素面
拭榛莽更呼我友來倡予而和汝

和菊溪先生佛手柑原韻

芳名藉金仙詎作黃柑玩想彼丈六身振臂出林岸天龍
齊俯首合掌發讚歎或駢或則枝生香交不斷羣生雜蕪
穢榛莽紛漫汗亭亭祇樹林挈空抉雲漢會茲一指禪足
謝塵網絆人閒翻覆手不值一笑粲

菊溪先生疊前韻再賦佛手柑亦依韻疊和一首

嘉種植何常物理寓清玩世界掌握中悟者登彼岸佛云
無可說公一唱三歎語妙元氣含才高衆流斷楚臣工橘
頰憂畏徵簡汗公證無礙禪華月貫秋漢香花同供養脩
然脫羈絆是謂清淨音續紛花雨祭

書陶季壽章鴻詩後用東坡岐亭韻

我昔讀君詩元酒籜甘汁清芬非市醪味之有餘溼今來
把卷看拭目快新得平波安流中巨浪倏奔急衝風舞長
鯨唼波笑羣鴨浩蕩失津涯煙靄撒蒙羃騰光極萬里霞
彩輝天赤可憐昨暮兒哆口論甫白衣冠襲侵孟雞人峩
絳幘以此競風騷古人應暗泣君今張一軍足補楚風缺
釀之令其醇瓊漿酌嘉客吾雖愧戶小洗盞更歡集

五言轉韻詩二百字贈嚴樂園太守

嚴侯磊落人絕俗蓋天秉我交非夙歡不速來亦肯我生
君未生我仕君未仕論年長已慚顧行劣尤恥我昔走黔
中君方揖軍府我爲出山雲君作山閒雨雲起空迷茫雨
行周故鄉一雨兵氣靜再雨禾稻長不讀無用書不獻長
楊賦萬言報 天子安民臣所務洵陽及漢南俾之令

且守我友司寇公譽君不出口

自注謂秦小覲侍郡

君言守最難此

語知守職况茲南山民瘡痍甫謀息

自注數年前敎匪茲擾多出沒府境南山

中君有憫農詞誰憫守所爲隨俗愧俯仰敬事騰笑譏不
惜笑與譏但願吾民肥嗟君懷此志卓哉慈惠師我如傾
軍將豈足爲君益漢廷方急賢待君彰有德

漢臺爲嚴樂園太守作

高臺署東偏竹石深以怕主人穿遊讌一徑爲我埽初登
俯華襖候進抗雲表衆峯眞兒孫對面首不矯雖無邱壑
姿自覺煙霞窈途窮碧樹遮路曲修廊繞當年淮陰侯云
此建旌蘇雄圖亦何在變滅隨去鳥聲名動後賢遺蹟賴
修保自注臺爲前太守朱君開聖所修人生患無稱生死一蠱薨又如朝
露變豈勝口出臬吾生誠已而未應悲集蓼願君崇令芳
榮名以爲寶

自城都舟行至納谿登陸回黔陽舟中偈仄得句輒
忘途次補成之得五古八章

六月暑未去客行難虛拘言辭錦城駕遂登江上艫江流

涉湖書卷身 卷第一 百一
何透迤淨練看平鋪濯錦笑何爲濯纓良有餘鳴橈散輕
煙盪漿凌飛鳧前峯屢臨緬後境羣追趨蕝焉一舟中萬
象爭敷腴回頭語僮僕何似鈴馱驅

江流出灌口至此錦水并錦能讓江流江乃專其名此由
異小大遂若尊卑衡尊如貴統率卑者無專成滔滔去萬
里朝宗達蓬瀛雨從何方來衆派齊奔轟斷港與絕潢滾
滾成趨爭亦知不久涸頓令心目驚嗟彼涓涓流亦撓大
波清背賢念如此所以矜細行

一舟蝸牛廬容膝幸餘地如從屋漏來匆匆良其背吾儕
小人耳固亦有所利不見萬斛舟覓之貴蕙借吾行安辦
此聊以釋負戴所憂困蒸暑揮汗驚濤瀆如何昌黎翁但

覺炎曦快天公似解此習習成晚暖連朝鼓清風日御爲
之退故人嘉州守自注謂宋君見我憐貧憊強我爲具舟
如宅更爽塏敬謝君毋然踐更彼何愛吾心天海寬豈爲
一舟隘

納谿距瀘州相望數十里黔人殺王程畏之乃欲死我行
覺未然利涉甯濡軌舟人笑相告此非所慮耳夔巫三峽
閒其路分人鬼先聲可奪人此猶履虎尾乃知論事難及
之辨端委平安荷天憐吾生得已侈此役吾幸逃放廢亦
其理自注黔中丞倅牧令歲必有數人領運京鉛至納谿
即入大江行者多淨其險余分守黔中數年每掣籤
皆不與故
獨免此役

舍舟入午市負擔紛茅簷息肩藉廣廊列飲同排籤中庭

沙清書有身 卷第一 二
敞北窗坐我入立監清風來徐徐飄我衰鬢彼徒不我
卽退懦羣窺覘我無冠紱撻亦不尊視瞻胡然望御走我
氣知未恬吾聞古達人德昭黯不炎良璧韞山谷明珠孕
淵潭憂患不得侵光采由內含爭席來樵夫其樂和且耽
專氣以致柔吾將師老朋

草際宿珠露曉風餘夕涼復輿草露閒出見禾稻黃農人
先我起刈稻歡穰穰我行曾幾時遂見禾登場農人爲我
言力盡願亦償雨露降自天貪天虜不祥我農荷天賜一
飽餘非望耆死無別離婦子相攜將君行果奚爲不仕亦
不商得無假奔走干謁來道旁君看當官人息偃方在牀
叩門將何辭志沮神亦散迷途幸知還耕稼宜自量再拜

謝農人斯語中膏育何由謀二頃悵望懷東岡

蜀地曰永寧黔有司存物我昔條其宜轉輸如置驛其人

歲輒代簿尉均舛秩

白注黔中敝船由畢節運至永寧存貯歲以簿尉一人典司之運官至永

寧受兌復由小溪中轉運至瀘州始並入大艦溪水漲則不恆運多遲滯余守大定時與方伯籌議令簿尉之在永寧者乘水漲時卽先運至瀘運官改於瀘州受兌條上其事行之得免守水貽誤人多便之數年來此法猶未更易

我行當過之相見或未悉有弁者何人手版竟我屈下車

爲輾然款款申舊說招邀逮僮奴浣濯到毛髮言歡酒淋

滴談往劍磨夏太息窮途窮難令達人達我窮亦何辭君

意憤尤結往昔受過時尚聞有欲殺得生已幸爾安用復

悲叱儻更懼非辜君其夏門卒

凌晨駕言邁周道何威遲行行斬犂确更遠逾屢屢逡巡

度峻坂日瘦風景淒秋新氣清爽蕭寂猶非時胡爲瞬息
閒倏見寒暑睽云此固黔陬氣序因潛移我聞地承天寒
燠無殊施山川一判隔天若俯順之從知大鈞心矯戾非
所持回首念來路多稼如梁茨此雖滿中田颯若羊毛披
傳聞早已久生意不得滋今年慮無禾安望黃雲棲嗟此
固遠境曩猶我所治自注越永寧界卽
皆定郡所統治儻尙把一麾咎責
焉可辭何能異秦越歎息此蒸黎

題唐鏡海鑑太史萬卷書屋圖

短檠乘牆角我老久廢書做帶豈無珍度開同棄餘兩兒
亦薄殖經訓誰蓄畀往往誤金根不解羞虛車君侯名父
子愛書味其腴自注鏡海爲吾友陶山刺史
子篤學好古嘗以詩質於余讀之旣以破

插架猶紛如示我萬卷圖題句堆琳瑜乃翁寫心得陳義

尤啟予

自注圖中有陶山題示五言詩一首

謂言一經熟不在誇獵漁稽古

貴經世令僕期子居子今已致身圭組榮子軀勉扞華

國文獻拜希唐虞庶幾鄰侯籤更庇姚似謨持用上乃翁
貽厥誠非迂顧念景升兒發篋空咿唔我歸拾叢殘尙思
矜其愚他時令請事願勿加訶詈

獲鹿石人歌

有引

石人距獲鹿四十里深黑如漆輿人謂其怪好竊人
車上膏故過者爭以是沃之此齊東語也然其理可以
鑿遂賦此詩

衣冠而來石丈人道旁端拱殊彬彬我重此君素耿立驟

涉江書畫身卷第一百二
覺面目何非真相看錯愕不能去路人爲我言其故多欲
申振焉得剛有覩眞爲此身誤當時偶緣食指動敢竊脂
膏私自奉一嚮染指何足甘百口相污未爲惜前車後車
相續厭飽君之腹塗君面君心應不悔貪饕君面何能令
人見點頭化石石應慙石猶如此人何堪我詩聊爲石人
語誰鑄禹鼎圖神姦

隴頭水

朝發隴山頭暮宿隴山下隴山疊疊簇如雲隴水悠悠去
如馬不知此水胡不祥至今過者皆心傷尊前楊柳成衰
怨笛裏江梅在斷腸流將積憾何能滅百轉千迴尚嗚咽
西風颯颯已愁人那

李約庵赴廣陵訪余白下以巴船出峽圖屬題於其
行也書以贈之

兩巖夾江江怒齧不放江流容易出小舟撇漩天際來驚
濤不敢爭喧雁舟中之人我曾識應是匡山讀書客三年
不死夜郎天八月來看白門月白門月黯棲烏語猶似巴
猿喚聲苦抽帆重過鷺社湖長吟直上連珠浦畫手風流
顧虎頭樽前燭翦荻花秋鄉心莫唱巴渝曲何處雲山是
益州

題倪文貞公小像

有引

文貞公宏光時原諡文正像爲閩人顧鯨波臣所作有
董華亭題玉汝學士四十小像八字趙味辛舍人懷玉

屬題

老奄旣斬明餘孽倪公再疏結其舌東林正類慘如屠倪
公噓之氣欲蘇要典焚清議釋制虛制實臣能策吁嗟抗
論無與禱想見鬢髯奮如戟孝陵松柏秋風多九泥不塞
東流波艱難一死有餘憾南都望斷夫何如波臣圖否四
十時蕭然已作枯松姿凝眸叉手百無濟可憐雙鬢先成
絲人生用才用其老如公得君苦不早不然鈎軍課餉尙
可爲何至倉皇授命傷懷抱

固原新樂府爲吏目張傳心作

有引

傳心吳縣人爲固原吏目有惠政後移迪化卒於官其
弟塤乙酉孝廉官內閣中書爲製新樂府五章記其事

之可採者以代志狀予亦爲歌詠之申哀誅焉

破毒碑 除民害也

車曰官車驢曰官驢官安得此脚櫃所驅官恐差來煩急
遞有差但呼脚櫃至焉知此輩喜差來一車一驢皆足利
驅車趕驢送向官脚櫃尙索朝餐錢驢死車摧不足惜衣
囊典盡襦無完官差明日出城去道旁過客猶疑怖何人
偶策車與驢脚櫃還來強攔住此毒流傳聞最久張公一
書斷其後碑名破毒立路隅驢耶車耶終日走君不見猪
羊雞鴨有牙行百姓剗肉充官腸官衙事事類如此無錢
橫索誰能當安得張公再起除民累盡去爪牙如脚櫃

別古原 志去思也

三月十五日張公去固原固原人家幾萬口傾城出餞張
公酒餞公酒送公行願公不惜盡一升平生酒力過大戶
一人一啜公不勝到瓦亭到隆德百姓依依行不得州官
亦有酒如澗不如村醪傾一滴百姓且去公勿留萬人淚
作長河流力田藝黍教孝弟公去還如公在州吁嗟乎官
民相視本父子奈何官去民翻喜皇皇大吏不得民張公
纔一吏日耳

韓瀧謁昌黎祠

讀公瀧吏詩今來渡瀧水瀧頭躑躅迷朝昏飛流亂鬣蒼
山根蛟龍萬世怒不馴燄噴飲霆雷奔船頭縛繩船尾
按篙工放船如放彈失勢真成弩脫機蒼山萬仞回頭看

當年此路誰鑄鑿性命到此爭毫纖乃知古人涉險有深
意省懼不獨懷譏讒平陂往復應無極惡風白浪誰能測
平生忠信祇自知主張禍福甯人力尋常神鬼不敢蒙廟
食千秋遂在公仗公伏波等驅鯉懸流直下無磔礮秦中
估客二三月大船小船齊入粵廟前爭買紙錢燒管眼驚
濤坐超越我無寸楮真何據投公一詩公必怒笑看此是
可憐蟲容我平安下瀧去

題葉雲素繼雲舍人借書舫圖

赤文綠字古所摹簡編埋沒鴻荒初秦灰不然書不出正
籍芟艾成昭蘇人生萬事等芻狗惟有書卷供清娛皇天
作意生兩眼不貯此物空睚眦先生好書有書癖購買那

惜傾田廬鄴侯三萬插已滿更欲廣殖搜藏儲一鳴載來
罄瓶盎萬本負去奔僮奴朝吟夕諷苦未足稱貸不啻營
錙銖先生此時居江湖春庭老屋新門閭南榮北牖列高
架粲設一一堆琳瑜榻來長安寄妻子寸地欲貨千明珠
卑官微祿少餽直假榻聊爾容舛呼安得有屋如此圖牙
籤坐擁專城如借來直恐安無處作計先宜廣一區

十二月十五日歌

山風吹城城欲捲曉來寒霧連城掩城裏人家盡閉門金
鴉翅重垂難展老夫清晨啟官閣柴几淨拭光冉冉爐煙
未燼更添香獸火通紅容助敬兮冥氣奪黯不揚青帝神
甦煥將轉戶外甯知雪意濃窗前但覺風光輾回思往事

忽自歎頽使凝愁面爲覩當年聽鼓入春明薄裘犯曉嚴
朝典天門詆蕩開九重玉卮穹窿臨絕巘騷騷風勁敵眞
強踳踳行遲進爭勉濃霜著帽鬢有華薄雪侵人鬢盡染
直廬環坐等鸞除篝火微溫藉敷演禿毫拈去寫仍偃破
硯呵來凍還點此時勤苦敢自廢欲盡職業期不忝自從
作吏來南荒坐令筋力銷游行官貧尙足豢妻孥祿薄猶
堪具豐腆卽今時不異疇昔豈有輕寒肆凌緬文書勘罷
手頻籠緗帙翻餘坐猶儼獨憐萬戶閉門人中有號號何
自免絲毫無補罪責多人不爾糾神必貶終當一笑謝朋
儔卻卸冠簪步疆畎

朝天關

我昔抗心叩天閭羣仙引我偕翱翔天門詖蕩天闕昂行
天不知天路長蟠桃歲久種不瓢輓雷百轉轟儀腸身輕
如葉羸且厓翻然一墜來何方羣仙拍手笑欲狂看我蹶
躄誰扶將十年御曲嗟迷陽有夢但覺雲茫茫朝天忽聞
此路當吉語可慕神飛揚朝來奮步叢巖旁欲進忽退愁
顛僵天關何許邈莫望喘汗相屬空踉蹌嗟哉世事何可
常覆水豈復歸池潢人生動必異其臧往者吾亦殊未量

劍門

蜀州天險天下稀此關以隘尤稱奇羣峯礪錐石作衣關
頭石角爭鬚鬚石所不及天倒垂天影漠漠窈莫窺關門
一傳露其倪天光石氣交不違綾路犂礪躡熊羆衆足縮

縮循矩規其旁萬仞不測谿石亦奔踞以類隨穿溜若噉
聲酸嘶俯身誰敢下舉旗况欲升之履如夷筍輿縛我側
且敬衆力並舉同拔箕萬一失勢吁可悲我於此時心目
移能事束手無一施驚走還吟杜老詩果鏹疊嶂吾其尸
英雄霸王徒笑嗤以此設險烏能持此關僅足徒旅欺古
來割據存者誰

少陵草堂

詩人未合享茅土少陵草堂竟千古踰阡度陌一相尋此
閒亦是城南杜自注地亦在成都南門外距昭烈廟不數里喬林森森徑旁取
隔斷鐘魚同法鼓自注草堂寺在草堂之左由寺門取徑右行短垣曲路轉修

蛇十丈青鸞作行舞升堂氣象自完肅廊榭欹斜尙枝柱

雖然雕落餘結構臂過衰門牘規矩浣花溪水碧溶溶還
照高寒好眉宇傳聞此堂昔顏廢往往鼪鼯鼠榛莽邸舍
闔從異姓王新宮煥作神仙府自注乾隆年間福郡王建
飾蜀中以此爲行館遂大
加修一時奔走盛簪紱供張紛綸雜牲脯行廚花裏玉盤
來猶似江干駐嚴武轉眼繁華頓消歇空令勝蹟隨風雨
客談往事殊歎嗟竊念古今增仰俯人生豈藉勢力存姓
名不共椽椽腐秋風當年竟卷卻百代詩城自堅樹那須
唧唧效寒禽戢翼卑棲計毛羽君不見馬家宅與奉誠園
畢竟遷移誰足主

吠犬行

大狺狺晝吠人吠人吠其主人欲殺犬主不許主不許將

奈何有力者憤揮犬戈押戈傷犬犬幸免犬聲嗷嗷大而
遠狼來顧其羣我亦犬類爾犬嗔釋犬飼犬不足贖以人
殉之犬怒伸犬怒伸犬去狼反死倚伏之機乃如此人言
犬狼皆畏虎太息主人不爲虎焉知主人見狼乃如鼠向
來蓄犬賴犬乳

登燕子磯望大江

江流東下不可住誰障狂瀾過其去燕飛不向畫梁棲來
傍中流成砥柱低搶回旋似欲翔高昂聳特真如踞我來
直上蒼巖顛意與燕子同蹠躑吳檣楚舶望不極但見洲
橫渚斷瀾空煙蛟龍白晝踏高浪倏明倏晦齊奔掀坐恐
坤軸遽傾豁直恐側足成俄延若教風日竟清美萬里更

見搖激涓巖花岸草交映掩青翠亂落空明天此誠天塹
利設險以云勝槩尤堪專輿如曠如不兩得熊魚欲致誰
能全飛雲嵌空亦窈窕自注飛雲洞在黃平州境拘囚正坐蠻雲牽
奇探頓覺耳目快便欲竟纜邗江船經營不必避戊己相
與上下嬉春妍嗚呼人閒踟躕無時已王謝之家何足恃
燕兮澁澁毋去此

吳中漕運詩爲李蔭原先生作

去年吳漕輓不前今年漕速如飛鷺心知今年必有此究
問輓者胡由然相看瑟縮未肯語似畏似愧終逸巡就中
老人頗解事匿笑不已還私論自云牽挽代丁力年年僦
役吳江船若曹此役實大利丁弁依倚同猱猿厥者兌費

費何等漕司胥吏同肥羶餘皆乾沒縱自飽妻孥粉黛儘
衣鮮淫朋宵晝競荒宴樗蒲博塞誇豪賢一船白鏹恣貪
取百不足道多盈千縣官何能致數滿但藉膏血填坑淵
相循敲朴故事耳假此亦得加削股運弁橫索十一二尙
有攫者何堪言爾來漕弊亟搜剔此習固結猶遷延吳民
彫弊漸欲解誰欲抉摘窮其源監司催船船不發白眼坐
對公喧闐豈無官書罪驕悍內荏安得施荆鞭今年監司
大夫李冷而未許包葦千扁舟按行到州府縣吏無敢供
盤餐皇然懸仕衆所羨冠佩落落儒生酸松江白糧更不
易往者一閔撓奸頑公來事事盡親綜餽遺路絕徵無煩
縣官丁弁都縮手敬受委諾爭趨先就中大猾亦帖耳帆

檣渺渺馳風煙何曾支訕有不繼便覺奢縱無因緣我聞
此語快撫掌當官難易衡諸身澄波無瀾霜鏡曉百怪那
敢矜奔掀我昔事公備任使信公懷抱冰壺堅尤驚任事
獨侃侃衆所退懦公能有公來我記祖諸道要語一一心
時鐫謀身利害匪預計委蛇何必皆名完要當盡力保終
始一蹶豈遂隨方圓果然舉動中款要初共駭愕旋安便
更持三議曰大府漕弊可肅漕政全自注先生履任卽以
吏得收漕丁苛索刁民三事請之公誠竭精計民事吳民旦夕沈疴
抗輪皆不宜姑息云

獨謁公復得悉嘉績敢並輿論書之編

同都波桑乾

慷慨登車去途窮興自豪水聲何太苦雨氣不成膏野色

雙檇樹天涯一緼袍此行非載贊同望五雲高

邠州

山徑足新雨蒼煙歷曉昏
葷茶豐旅食陶穴認周村
邑近居人少巖幽古佛尊
郭門連樹影絳到馬蹏痕

江浦早發

嶺霧迷朝旭山程得早寒
老悲馱伏櫪儼與僕分餐
野犢依人健村門倚樹安
陽烏忽西匿車馬悵盤桓

車中口占贈秋山

共作天涯客連驂兩不違
因緣出倉卒心跡感幾微
日午牛羊市天寒雁鷺飛
燕雲前路杳指點說淮淝

與馮秋山夜話

沙洲耆舊集卷第一百二十一
行止煩君定嗟予久鬱陶途窮詩卷在天遠夢魂勞行矣
愁仍積歸歎計未牢白華思古詎中夜首頻搔

登岳陽樓

到眼忽不極茲樓甯最高風煙連楚蜀天地入波濤素壁
盤蛟壯自注張文敏公書范文正公樓記刻於屏風寒香倚石牢自注樓側有仙梅古蹟

醉來雲夢小未覺此身勞

鳳縣道中

直到青天上何知徑路分巖巒森氣象風雨極聲聞石勢
存危長林煙續斷雲容衣殊太薄歎息此勞筋

小孤山

莫問泉明宅參參柳色侵帆迴依去鳥江濶見孤岑一柱

狂瀾障全身水氣森此鄉原隱蹟或恐是投簪

偶失隄防固如閭揖盜門馮夷殊偃蹇神女自嬋媛妓服
雲中見靈旗天際翻螺桑亦彈指蛟蜃爾何尊

采石弔太白

力脫汾陽罪安危計最深斯人真獨醒當日但狂吟想像
騎鯨去應如抱石沈江聲咽危石旦夕此哀音

通州贈唐陶山刺史

淮海頻年夢依依總爲君客來春欲暮酒罷袂猶分自注
周月晤陶山於金陵余旋去吳尚今復來通州官舍歲月成飄泊江湖足聽聞投林
有窮鳥應亦念同羣

桐廬道中

嚴城如甕受嵐雲望裏空濛水氣昏江黑魚龍思起蠶山
寒猿狖自呼羣天涯短棹憑千里一客支頤又夕曛莫向
居民詢舊令

自注先叔祖雪舫先生曾宰茲邑

好攜杯酒酌桐君

平涼

問道何年叩碧霞崆峒彷彿見雲車荒荒野日林檎樹黯
黯山風昔藉花五月披裘人出塞中宵欹枕客還家愁心
不耐聽邊角幾處歌聲續戍笳

會亭阻雨

自嗟生足可憐蟲敢望亨衢慰客窮萬里請纓非舊夢卅
年垂橐向西風關城獨雁淒涼去隴坂危峯詰曲通明發
清嵐山下路馬蹏應踏亂流中

金城對望

深澗層巒盡作藩憑高直見古城尊煙嵐四野彌空磧禾黍平疇失舊屯漢室邊籌咨戍已大朝符璽過崑崙諸君不用思生入函谷今猶近玉門

重過會寧

去時風雨踏重關歸日煙雲擁翠鬟一曲澗泉流浹渌數聲黃鳥說絲蠻天邊夜識長沙子馬首朝看麥積山莫遣玲瓏歌白日蹉跎身世已摧顏

戲詠駝橋同秋山作

起居應得快寬閒規制冬官固未嫺豈有車輪生四角自依門戶結雙環風塵路盡吾將老鈴鐸聲喧夢易還卻遜

步洲者有身卷第一百二十一
野田新雨滑筍輿穿竹過春山

屈賈祠

江甸新秋雨易沈古祠雲幕晝陰陰
道臣遷客原同感野鵬江魚共此心
合傳不詳宣室對遺經如聽汨羅吟
湖南萬古興嗟地斑竹蒼梧怨更深

書堂賜和前字韻詩越日至密雲而漪塘閱峯尚不
見答作此促之

高情勝地雨能奇合與青山共質之
堪隱仙處必邱壑肯容吾輩定茅茨
平生有夢亦未到此境非詩更不宜看取
片雲催雨急又排新景待清詞

省中夜直

紫薇花老人重到槐葉陰成夢幾過斗帳受風台骨健廣
除容月得秋多年舊吏知名字前日新詩少和歌畢竟
鷓鴣棲最穩嗚鳥三匝悵如何

謝蘇泉太史枉顧論詩頗許拙作越日復以詩來次
韻奉答

蕭騷蓬鬢已堪驚誰遣匆匆唱渭城病裏鶯花空過眼中
年哀樂倍關情小文縱有丁敬禮七畧終輸劉更生自注
時余
方有校
書之役不道高軒肯相顧華陰土拭劍光橫

九日

黃菊花遲柏葉丹鯉魚風急雁聲殘山連大漠孤煙直門
掩深秋落照寒蘭芷空江傳遠思蒲桃新葢薦雕盤不知

誰作登高賦還把茱萸醉後看

偶興

涼風颯颯度前除獨樹蕭條伴索居人比僧閒耽習靜月
先鐙上照攤書吟高便欲爭兒讀瓶罄終猶賴婦儲一笑
年來博囊粟未知誰得食吾餘

典衣

典卻朝衫具夕飧於身何薄口何恩善權緩急緣知務爲
有將迎早閉門羅穀從他爭照耀琴書聊爾獨尋溫霜風
頓薄朝曦滿坐向南榮也白尊

出都感懷

窮擬難工諫蜀文漫言磨盾學從軍錐椎利鈍皆由分鵬

鷓高低自各羣飽食晏眠吾亦得請纓乘幃客猶云回思
東髮論兵日或恐戎韜竟有聞

未離蓬島是頑仙放眼旄牛徼外天才子投荒原往日書
生論將定何年終緣學錦需良製莫易操刀試鈍鉛卻笑
江州清絕地青衫一淚爲哀絃

鄴中懷古

魏主遺宮沒草萊漳流日夜捲黃埃雄心已盡歸兒女霸
氣相乘出賦才荒塚並無疑可問色絲空羨句堪裁安陽
宰相還祠廟不信人間有劫灰

余辛卯計偕北上過信陽曾有句云人家多半依流水
水山色猶能似故鄉忽忽二十六年風景不殊而余

已積然將老對之淒然不禁有感

鬢髮蕭然興已闌溪山猶作舊時觀
勞人久向愁中夢北客惟從畫裏看
邱壑置身無復日雲煙過眼足爲歡
何能更情陽湖筆白注謂盛甫山昆季寫向鵝溪素幅端

中秋夜坐感事呈菊溪先生

明鏡高秋淨不磨深杯漱瀝欲生波
絕無纖翳迷珠幌忽訝微雲掩絳河
雀鼠太倉誠壯矣螻蛄荒井奈愁何
淩霜躡有喬松在坐倚清陰竟夕哦

夜坐

老覺蝦魚重不禁宵分百慮感侵尋
松楸山徑荒逾昔荷菱平湖夢至今
破屋鳴機寒女怨故巢移樹夜鳥吟
統如

街鼓隳隳月誰識空齋寂寞心

垂老

垂老深知七不堪一簷誰道我能諳
愁來望斗頻依北閒每當風喜自南盡
日煙雲生几案有時鷗鷺列衙參
泉聲歷歷含宮徵似共先生促塵談

自黔陽北行至楚途中感述

升沈彈指十年中歷盡人間塞與通
衰鬢笑如吳髮短肚心羞對楚風
雄幾人畏壘同尸祝是處滄江有釣筒
畢竟遂初何日遂桐鄉遺令未堪同

南陽道中懷古

赤伏符成帝子來草廬丞相舊徘徊
地鄰南紀多王氣天

入中原出異才洛土東遷炎鼎固錦官西上霸圖開興王
名世原相感曠代還看氣象恢

劉澄齋太守席閒喜晤法時帆洗馬

電轉萍浮閱境紛又從人海覲同羣自憐所得惟華髮共
道相思指暮雲萬里巖荒慙作郡百年壇坫屬能文藏園
逝後隨園歿自注謂心餘
師齋兩先生一代扶輪合讓君

中秋家石芳系英侍講招飲席上作

薄宦深慚負薦揚醉來身世感郎當更看兒女都成長始
覺鬢眉信老蒼得隴可知難望蜀補牢何似不亡羊請看
天上今宵月畢竟團圓影最長

沅湘耆舊集卷第一百二十終

沅湘耆舊集卷第一百二十

新化鄧顯鶴湘舉編輯

長沙毛國翰青垣校訂

楊蓀甫與植四十七首

與植字世滋號蓀甫新化人乾隆癸卯舉人其祖
可震官綏寧訓導父河武昌范縣知縣世有清望
先生幼隨侍范縣學於齊魯間弱冠歸應童子試
赫然爲其邑人旣舉於鄉屢屈禮部試乃徧遊吳
豫秦隴居秦最久晚復客粵久之謁選得教職歸
卒於途次家貧子幼詩稿遂散佚先生同里與孫
白沙石溪吳建軒蘭柴歐陽礪東諸君友善最後

客都中尤極厚余不以小友忽也未幾遂歸道山
余哀之哭以詩兼誌其墓今從殘帙中綴授一二
略存梗概不勝人琴之痛

雜詩五首

淮陰一登壇數語括大勢武侯對隆中已定荆益計當其
未遇時素蘊誰能逮感激乘風雲施張若符契鄙儒守章
句佔畢工偶麗一朝膺重任茫然昧經濟所用非所學何
能免顛蹶

良玉必什襲元豹必深藏炫才以揚已干鎔折鋒鏃蓮社
厭靈運蘇門卻嵇康文章豈不美神識露猖狂所以淡蕩
人哉影韜其光

揮汗披陳編朝暮苦吟嘯問君何以然藉此消煩憂少壯
困奔走騎旅若萍浮耕野力不給梯榮路無由蹉跎髀肉
生老大雪盈頭傾液漱芳潤爲計亦良優掩卷三歎息此
事何時休

昔者有良朋手操風雅柄元龍白尺樓餘子焉能並意氣
橫九州文章屢憎命哀哉老不遇晚歲逾貧病所交素心
人寥落晨星映太息人琴亡遺編有誰訂

大火將西流中流猶溽暑羈人耿不寐起坐瞻天宇蒼龍
蟠角尾牛斗相支拄云何箕爛爛哆口遽如許洪鈞有真
宰簸揚豈由汝裴回觀衆星匏瓜獨無語

送礪東之湘鄉

我本嶽崎人情懷足悲吟樸拙謝雕鏤踏蹬任嘲罵昔從
東魯歸裘馬煩清暇馭我筆舌驕桀鶩氣不下惟時蘭柴
翁力壓羣兒怕洪鐘廢琵琶長松掩桑柘孫周紫昔同
調餘子盡凌跨有如扛鼎雄宣威一戰霸拂拭亦到我浩
落胸懷瀉張軍嚴鞬鞞堅城甲已卸神交廿載餘肝膽逾
姻婭關東實後來彥秀鍾元化少小卽奇偉研磨窮日夜
鋒穎不可藏神傳左右射劍吼潭龍驚獅鳴山虎訝蘭柴
九方歎慣執驂駟靶放子出一頭屈宋從方駕卻顧老鈍
軀旌旄避三舍投我瓊玖詞筆賴珊瑚架煌煌盛明世
朱絃奏九夏遲汝麋猗那玉牒封嵩華澹逸春光明花柳
低枝亞離思不可禁淚染絳綃綳綃填膺書此章感慨生心

詩

由仙桃峯至金精山還飲雲臺宮

雲臺宮仙桃峯祠名

言尋仙人跡聯騎蹋平岡
火雲勢方壯及此初旦涼
迢迢雲臺宮屹立煙蒼茫
荒榛取線路俯首入幽篁
誅蕩天門開朝暎挂扶桑
窈窕出螺髻參差露晴光
清風吹我衣清露灑我裳
何須蓬萊宮卽此聞天香
所嫌果盒名俚妄不可詳
竊恐拾桃人嗤點流俗狂

山行疲憊确連峯盡屨屨絕壁斧鑿痕
吳王昔所爲徑從此地入稍深見幽奇
穹窿石室高竚襟陰崖危遙想餐霞人
久與飛瓊期差比巫山神豈效天台姬
畱詩十八章嗟彼濁世癡我茲訪遺躅
縹緲揚靈旗彷彿水晶池十二紅

玻璃瓊田倘可耕願駕林間螭

飄飄搖天風吹我入靈境欲去更褰回愛此琳宮靜
摳衣出深洞還憩仙桃嶺行廚醅醑開長筵恣醑酌
有如太白豪醉卧香鑪頂吾儕本不羈壯志輕鐘鼎
行招跨鶴仙共弄瑤池影惜彼翠微峯未獲披荒迥
疎林挂斜陽頓使歸鞍聘

雨不止

三日雨不止一春花事了崖際堆亂雲墻陰結叢篠
何時見晚晴斜陽下林杪

外十八灘

昨朝入天柱今朝出惶恐水漲灘亦平石沒濤輕湧
長竿

整以暇柔櫓中旌快箭離勁矚駿馬驚長壠迴首長安
城惟見浮圖擁巉巖既可喜平曠亦心動遙看細穀文蕩
漾流瀕洞

望華嶽

崎嶇越雄關振策及清曉遙天翠巘橫嶺岼八雲表停車
問居人指點巉崖巧四方類削瓜三峯如卓纛明星插漢
高玉女綬日小魏巍白帝宮鬱鬱蒼龍道磊砢不盡洩突
兀殊未了元氣所鬱盤金精盛環繞平生好奇偉山水足
登眺何期燕臺客復遣吟西顛將尋衛叔卿或覓希夷老
深參出世心庶緩愁腸擾

東湖懷蘇文忠公

去歲游東湖積雪壓冰渦今年游東湖煙柳搖晴波韶華
轉瞬變風物及清和老坡昔判此四載工吟哦好古耽幽
實源泉日摩抄照影還彩羽此古飲 鳳池 操舟弄新荷文章與
政事千禩光巖阿如何八州督垂老親蛟鼉宋治浸淩替
黨惡方薦瘞投荒昔賢俊柄國皆婣姪先生氣不屈嶺海
昭義娥右輔初仕耳星宿已胸羅入觀此其一豐碑冒藤
蘿至今瞻遺像英爽猶我我湖脣水滑笏砌石像高舸吠
蛤依綠草唳鶯傍青柯蒼茫仰前哲樽酒慰蹉跎安能起
先生椽筆揮長歌

苦熱簡伊人兼呈鄧參山明府

火雲燒南維燠此六月溽連旬旣無雨驕陽乃爾熯憶昔

客岐陽齒臨碧梧絲

晉梧陽名地
子居處也

地接九成宮

九成宮在麟
游去鳳翔九

里十雖暑未云酷軒軒蓼山翁政平人自肅琴堂清宴開賓

從盡冰玉惟時與君俱卮酒挹芬馥東湖碧浪浮南山晴

翠盞宛轉雪兒歌窈眇嘉榮曲一醉失羈愁清涼透胸腹

俛仰四年間散聚邈難卜誰知桂嶺頭復此陪芳躅卻嫌

礙或子寄跡城南屋井月私蛙鳴壺天醞鷄覆偈灰已難

堪况乃丁三伏搖筆事丹鉛揮汗埋編牘營營蚊蚋集白

晝嗜肌肉寢興兩室礙靜躁俱踳踳人生六合間寒暑本

相續擁鑪而跼冰調攝視涼燠云何屯賤士依人傷局促

曉起望東方紅鏡又如燭懸知刑白鵝未必甘霖速

時正
禱雨

傍沲倘可期緩我愁城築

題孫梅皋小照

孔明起南陽致遠唯寧靜安石出東山雅量馴強橫當其
杜氣機或以模稜病豈知藏風雲賴此和平性紛紛妄庸
人躁擾誇馳騁形役神不全遇事何能正先生海嶽姿早
歲浮華屏嘯臺鸞鳳鳴雪案縹緗映養如紀消雞炯若菱
花鏡汪汪黃叔度千頃波澄澄幾年苜蓿盤化雨春風竝
行看綰銅章遠布龔黃政畫手亦通靈天倪恍禪定琴以
寫春溫鶴以標明淨度幾清猷風合古之懿行我欽紫萼
容強效洛生咏莫示帳下兒徒令發談柄

贈周二如并序

周子二如與余論詩者累月七言近體甚佳余欲其兼

致力於古選也作是詩曷之卽以誌別

我從燕臺來辛苦越梁趙入關瞻條華搔首吟西顛君時
亦彈鋏接席長安道相期去青門隴坂恣幽討聯牀汗水
東掇翠吳山表論心暮復朝鬪韻昏復曉君詩何婉麗竊
罵春雲繞近體尤擅場含意入縹緲律絕筆有唐靈蛇珠
各抱翩翩兩王李風格獨清矯玉溪與樊川往往露工巧
越宋及元明派別遠相紹有如南北禪能秀分旗纛我聞
太白言奇興貴深宵五六不逮四况拘聲律小漢魏蟠其
根六朝蔚其杪李杜并韓蘇古選稱樸老兼善固云難獨
至亦堪寶此事最微茫握要在深造得失判毫釐精粗分
忽秒碧海掣鯨魚琳宮拾瑤草一洗箏琶聲始獲參奧矣

伊余夙譎陋騰驤苦不早敢云老識途病蹇導騷裏君年
既鼎盛家學足稽考古心堅自持俗態紛能掃扶持大雅
輪行挾 天庭藻寒飈吹落葉南山色逾好孺愁不可刪
別緒苦難剿臨歧敦贈言含情向霜昊

朱雲崖招飲伏波山

誰將太古鐵插根灘江口背負埤堦高面俯波濤吼鑿翠
建樓臺臨流闢軒囂何時馬文淵旌旛駐林鼓遂令此山
名長與地天壽主人賢且文瓊筵列芳滌舊雨并新知鯨
吸如澗酒伊余亦何幸得尾尸公後乘酣騁雄怪氣欲吞
星斗對岸即七星山老龍抱珠眠還珠洞在山下一怒風霆走雷詢嬰蹂
翁重游能許否

春日李松園北部招同朱小岑布衣胡維君徵君及
歐陽礪東孝廉壺山看桃花至普陀巖小集以花塢
夕陽遲分韻得陽字

羈情如縲絲鞞轉緒益長况乃連綿雨逸興墮渺茫朝來
曦影漏輕陰弄微陽連袂出城闌彭鏗渡浮梁一徑造絕
壁酋峯鑿穹蒼俯視萬雲錦倩綉堆平岡天公巧點綴亭
亭闌紅妝延賞意未已信步凌崆峒法界鐘梵寂妙象何
巖莊孤亭勢駁賦古洞聲磅礪開尊此相屬矯首隘八荒
遙睇紫翠間羣峯正翱翔我欲御冷風呼吸通帝閭急景
不可駐日落灘江黃聊此托嘉會庶用廣瑤瑤

西園看紅梅

北斗雌神移左輪峻狼山暖開朝暎天南萬里消陰肅西
園老樹含古春青琴醉立凍蛟背膩紅凝頰朝紫宸露痕
脂氣傲縞袂火齊錯落排珠珍無端飄墮金精北斷橋流
水愁黃昏月地雲階歸不得空餘艾納芬孤村天涯畱得
鳳城身管取玉局移霜根

李紫庭家看海棠

鳳城春暖風日嘉天桃穠李相矜誇腰鼓百面不肯擊來
看君家海棠花入門下馬映花立惟見滿苑蒸朱霞煙消
露溼態自媚綽約紅膚籠碧紗有如華清初出浴朝酣睡
足釵橫斜嫣然一笑當軒檻瑤臺月下無等差傳聞此種
自西蜀碧鷄坊裏移根芽名園羣芳盡俯首敢與國豔爭

天葩君家棣萼真瀟灑舉杯向我邀常加對花不飲花亦
怪玉崑崙倒人歡譁酒闌日落蜂蝶靜西山暝色催昏鴉
帽簷簪花各歸去天街明月臨闌闈

陳良祠詩

并序

荆山易翁號眉川者構別業於其里之陳子山一夕夢
陳良來室遂以其堂設粟主而祀之令余作陳良祠詩
袞衣繡裳丰標寂水晶之子耀靈魄杏壇偃仰夢周公兩
聖英靈昭日月紛紛戰國海橫流駐老申韓雜陰謀陳良
突起學於北沉酣官禮窮春秋當時獨有子興氏抵掌推
爲豪傑士流傳二千有餘年不聞姓字標青史眉川先生
海鶴姿摩挲好古生已遲斷碣殘碑何處訪忽感異夢瞻

光儀陳子之山盪晴昊誅茅結宇窮幽討虔陳俎豆薦溪
毛雲輶彷彿來幽渺二十四首瓊瑤詞激昂雄宕才如錐
祖龍一炬原禍始下及載筆皆卑卑翁作截句廿四首言
始皇焚書太史公無
從立傳班固古今
人表亦不及之白髮猶存湖海志會見花封作循吏窟
成解組賦歸田陳山便是香山地我亦嶽崎可笑人騎驢
旅食京華春感翁意氣爲賦此豈有筆力迴千鈞

宜溝驛紀事

漳水之南宜溝驛野潦縱橫古道失太行風雨從西來勢
如萬馬衝疆逸我車縱轡越平岡斗逢山漲來汪洋僕夫
不幸入坎窞馬蹶車翻水入箱電光礮礮雹珠落人影何
殊雨淋鶴後車宵雨至倉皇始附前軒覓棲泊行囊檢點

難泥塗且趁烈日鋪階除破帽敝裘俱被毀殘書禿管亦
遭汚吁嗟乎紫綬金章不可得玉軸牙籤購無力區區篋
笥豈逾分忍使書生削行色人生憂患來無端得馬亡羊
事渺漫當前有酒須痛飲幸勿悲歌行路難

咸陽懷古

龍興之後復虎視秦地關河壯如此陽翟大賈奇貨居六
王宗社已邱墟登山刻石銘功烈誇誕豈但卑唐虞當年
意態何雄傑萬古雲初期不滅山鬼獻璧鮑魚腥軹道降
車早悲咽蒼茫海上三神山樓船男女何時還就使鞭橋
得靈藥難免諸侯盡入關茂陵劉郎亦窮黷文成五利紛
相逐表章六籍昭日星詎與焚書坑儒祚同蹙咸陽宮殿

鬱崔嵬楚人一炬成飛灰石安城畔一迴首惟見入水聲
喧雁乃知家國興亡異形勢洛陽年少言非泥何如牧馬
汧渭閒永作周藩控西裔

凌虛臺

柏梁通天不可卽凌虛臺亦荒荆棘廢興成敗兩相尋作
記蘇公眞絕識公來舉酒邀青山城頭髮鬢排煙鬢公夫
騎鯨七萬載太白終南亦喪顏乾坤烏兔雙飛走榮華轉
瞬空搔首手抉雲漢斡天機用宋孝宗贊公語只有斯文傳不朽
臺邊芳草綠萋萋遊屐何殊蹋雲泥吟公妙句酌公酒雲
輶應到岐山西

鄧明府蓼山招飲東湖

岐陽六月無蒸溽東湖氣候尤清淑寒漪十頃貯神泉老
樹千章翳晴旭偶隨鳧舄出城闕便覺肝腸灑冰玉紅衣
翠蓋飄香風白日黃雞歌妙曲忽驚驟雨亂鞦韆紋喜見明
冰跳淨淥碧筒注作象鼻灣綠醕瀉白龍頭縮弔古遙尋
林鳳翎懷賢遠溯坡仙躅天涯作客嘆羈孤絕境移情慰
幽獨開元寺廢失丹青寺有王摩詰
畫今廢久矣凌虛臺圯屯樵牧惟
餘此地散塵襟尚有危亭撐古木蕭蕭歸騎蹋斜陽杳杳
昏鴉集林麓詩成一笑對元侯莫言氣壓劉師服

遊劉仙巖

伊余何事來天涯斗室兀坐如籠笈凌晨蠟屐城南去仙
人招我尋雲車仙之人兮在何許高峯矗立青蓮花白龍

洞口線路轉仰見翠巘形硯磬盤空一竅透巖腹森然奇
鬼相騰拏羊腸幾轉入元窞忽出箭筈開俗符捫蘿附葛
至絕頂乾坤軒豁呈光華我聞仙君業屠賈得遇道者餐
黃芽三田聚寶犁黍熟羽化自足凌蒼霞壁鏤嬰姪黃婆
語覩縷母乃費齒牙世人擾擾兩蠻觸金漿誰泄靈泉窪
仙君自是浮邱伯脫屣妻子驅虺蛇玉皇閣畔一延佇天
風習習雲旗斜長空萬里暝色起但見古木號栖鴉振衣
長嘯下山去灘江淡月橫枯槎

酬邢里街

我訪蘭樵向祇園斗室暝作饑鳶蹲坐中忽見邢和璞骨
骼聳拔神清溫徐步其瀾不可微粘天無壁雲濤渾兩君

張軍嚴轡朝牽余倚角持紫韉豈知鼓衰力遽竭敢向大
國嗤敷奔邢君家在筠江濟鳳山窮窳鍾瑤珉年將四十
始膺薦滌器尙著犢鼻褌竭來京師居二載金銷裘敝窮
攀援我亦塵埃鍛翻耆饑驅輒復投籠樊古心世路難鞭
撻厭見腐鼠矜雛鷓憶昔遠泛章江棹匡廬彭蠡勞羈魂
筠陽亦寄雪鴻爪惜未偕君賦東軒邂逅論交蕭寺裏何
殊杵臼聞蘭言朝來遺我新詞句寶珠錯落玻璃盆男兒
要自貴壯健風高九萬浮鵬鷖只今顙俊擢杞梓嚴徐東
馬皆翩翩兩君文藻尻雕接飛黃騰蹋登梧垣何嘗授敝
沾微祿且免彈鋏依朱門邀君春江花月夜紅牙紫玉開
金樽層冰峩我澤腹凍寒窗曉色來朝瞰一鼓新懦賦長

句商歌激烈聲難吞

過吉水懷文信公

丞相今何處英靈萬古垂
宣麻仍苦戰灑血尚題詩
羅子山頭慕張家渡口祠
何人化朱鳥悽惻淚痕滋

寶禪寺見梅

憶昔來都日經過梅子塘
繁花千樹雪小艇四圍香
已斷羅浮夢空吟杜叟章
今朝蕭寺裏心折此孤芳

初度日作

歲月速如此飄然尚異鄉
四方男子志九轉旅人腸
躡度看南斗劬勞念北堂
雲都春色好舉櫓過斜陽

野望

寒綠遠霏霏春城花事稀雪消江水濶日出嶠煙微小舫
臨巖渡雛禽趁母飛荒郊遊屐少人面已全非

不寐寄紋浦

迢迢冬夜永客况益淒清暗壁蟲無語寒衾夢不成天街
涼月影金闕曉鐘聲此味君知否年來已飽更

丙十八灘

十八長灘遠輕舟急似梭驚濤翻地軸惡石吼靈鼉出隘
神逾盱臨流興更多平生仗忠信險阻幾經過

菊

九月候已過寒花猶有香空餘秋色好無復酒杯狂笑絕
東籬影幽畱老圃光故人悲寂寞誰拾落英嘗

出關

三載秦川客，羈棲竟白頭。
有懷堪說劍，無路覓封侯。
險畏王陽坂，寒侵季子裘。
蓮花峯下路，驅馬正悠悠。

潼關古稱險，雉列崇墉。
天帝有時醉泥丸，何處封蒼煙。
縈遠道，落日挂孤峯。
鴻爪真無定，遙聞薄暮鐘。

宿三橋

又向三橋宿，西風落照微。
窮途悲馬食，孤枕念牛衣。
野火青門小，殘星杜曲稀。
愁人渾不寐，雙眼盼晨輝。

關青岡首次吳蘭柴韻

燕子呢喃絮盡梁，煙花鏡裏柳絲長。
蘭膏初染修蛾綠，粉汗微消半額黃。
拾翠影驚新蝶，蝶凌波人對白鴛鴦。
遙知

一水盈盈際獨向春風泣豔陽

春風澹沱弄新潮人道今朝勝昨朝紅引岸花攀步障碧
施堤柳舞纖腰誰家古渡迎桃葉何處香車過板橋嬌小
小姑閒好事只將玄鳳簇雲翹

朝來對鏡畫雙蛾爲聽前村蹋臂歌繡轂有塵芳草襯弓
鞬無力蹇驢馱綠波春水魂初斷白袷輕寒病未瘥滿眼
游絲兼落絮江南江北奈愁何

歷歷紅樓繫駿騶綠楊深處酒旗斜金樽象板歌姬院珠
箔銀屏靜女家未許香塵隨繡屐只愁人面隔青紗天台
劉阮如相問認取溪頭片片花

出都

炎曦赫赫走風塵，長短離亭酒一巡。
旅食三年仍故我，壯懷千里愧先人。
先君之武昌任時有千里壯懷多之句
紅雲縹緲觚棱遠，綠樹迢遙馬跡新。
珍重知交相慰藉，不須岐路淚沾巾。

登開元寺浮圖望吳嶽

萬壑千巖赴隴東，金方巨鎮獨從龍。
卻憑拔地浮圖峻，始見鑿天嶽勢雄。
窈窕晴雲通箭筈，蕭森秋氣接崆峒。
茫茫真宰誰能問，白倚寒山聽晚鐘。

秋懷四首

五載天涯鬢欲霜，飄零書劍又岐陽。
可憐垂老常爲客，怕說悲秋易斷腸。
高閣嫩寒瞻二華，小窗疎雨夢三湘。
壯心未許全銷盡，湖海元龍氣本狂。

聞說天南昔用兵，登高一望氣崢嶸。
龍驤風掃獠狔穴，虎旅星馳驃騎營。
赤腳桶裘終破滅，黑山飛燕敢縱橫。
腐儒空抱從軍志，徒倚終宵意未平。

遙想家山紅樹秋，伶仃瘦弟獨登樓。
形骸放蕩稱詩伯，生計蕭條號醉侯。
鴻雁聲中飄別淚，池塘夢裏訴離憂。
姜家大被何時共，慚愧鄉居馬少游。

金井梧桐葉又殘，高城急雨瀉驚湍。
雲浮太白秦關暗，秋老陳倉渭水寒。
歲月堂堂悲馬齒，書帷寂寂愧猪肝。
團圓皓魄良宵近，可許羈人仔細看。

沅湘耆舊集卷第一百二十一終